



Broj:01/D-01-1-D 14277 /2016  
Kakanj,12.10.2016.god.

## Štampanim i elektronskim medijima

PREDMET: Saopštenje

U četvrtak 13. oktobra navršava se godina dana od rudarske nesreće u Jami „Begići Bištrani“ kada su u trećoj smjeni poginuli rudari: **Muhamed (Muhameda) Sarač, Nermin (Kasima) Mušija, Mijo (Ilije) Stojčić i Sejad (Nedžiba) Gađun**. Šest dana poslije ove nesreće, 19. oktobra preminuo je i rudar **Elvis Mašić**, koji nije povrijeđen, a tokom trinaestoktobarske nesreće se nalazio u jami „Begići-Bištrani“.

Uprava Rudnika Kakanj i Sindikat Rudnika Kakanj na prigodan način obilježavju ovaj dan i sjećanje na poginule rudare. Na godišnjicu od nesreće, 13. oktobra 2016. godine, svaka smjena u Pogonu Haljinići, odnosno Jami „Begići-Bištrani“ prilikom rudarske prozivke u „frlezi“ počet će sjećanjem na poginule rudare i na događaje koji su obilježili prošlogodišnje tužne oktobarske dane kakanjskog rudnika. Istovremeno stručna lica sa ovog pogona radnicima će govoriti o važnosti pridržavanja mjera zaštite na radu, posebno u podzemnoj eksploataciji uglja.

Pored toga od strane predstavnika Uprave Rudnika i Sindikata Rudnika, te Fonda „7. Juni 1965.“, zajedno sa socijalnim radnikom, u periodu od 12. do 17. oktobra biće obavljene posjete svim porodicama i roditeljima poginulih rudara.

U prethodnih 12 mjeseci Uprava Rudnika mrkog uglja Kakanj, realizovala je sve zakonske, dogovorene i peuzete obaveze prema porodicama poginulih rudara.

U jami „Begići Bištrani“, rad se odvija normalno i u skladu sa operativnim i godišnjim planovima, a od oktobra prošle godine do danas, u interesu zaštite na radu, sigurnijeg i humnajeg rada, realiziraju se tri značajna projekta, vrijednosti oko 22 miliona maraka. Očekuje se da nova rudarska mehanizacija, moderna i automatizovana, već krajem novembra bude montirana u ovoj jami.

Direktor Rudnika Kakanj mr.sci. Kasim Alajbegović, o vremenu poslije nesreće u jami Begići-Bištrani kaže: „*Nas još uvijek žalosti činjenica da smo te oktobarske noći izgubili četiri čovjeka. Šest dana poslije preminuo je jedan rudar, jedan je u nesreći teško povrijeđen, oporavlja se i već treći puta treba da ide na banjsko liječenje. Jedan je lakše povrijeđen i njemu smo obezbjedili radno mjesto na površinskom kopu. Zahvaljujem se porodicama na razumijevanju. Izgubili su svoje najmilije. Dogovorili smo se i uspjeli vansudskom nagodbom završiti obaveze po osnovu naknada propisane zakonom. Za korisnike penzija redovno obračunavamo i uplaćujemo rentu, a to je ona razlika, koja porodicama omogućava održavanja standarda. Jedna od supruga nije imala pravo na penziju. Mi smo je zaposlili u Društvenom standardu. Kćerka jednog poginulog rudara završila je Gimnaziju, zaposlili smo je i rasporedili na radno mjesto prema stručnoj spremi. Imamo kontakt sa porodicama. Ponakad se i sami javi, a vrata Rudnika su im uvijek otvorena.*“



Direktor

mr.sci. Kasim Alajbegović, dipl.ing.maš.



Alije Izetbegovića 17, 72240 Kakanj, BiH  
www.rmukakanj.ba

KABINET DIREKTORA, tel: +387 32 55 36 40; fax: +387 32 55 46 20  
TEHNIČKI SEKTOR, tel: +387 32 55 33 48; fax: +387 32 55 46 57  
KOMERCIJALA, tel/fax: +387 32 55 25 30; tel/fax: +387 32 55 32 81

Reg.broj: MBS 43-01-0538-08 Općinski sud u Zenici  
ID broj: 4218055050007, PDV broj: 218055050007

1340200000009427 - Investicione-komercijalna banka d.d. Zenica  
3389002208041953 - UniCredit Bank d.d. Sarajevo  
1543012000169890 - Intesa Sanpaolo banka d.d. BiH